

中華郵政特准掛一〇七號認爲新聞紙類

# 時專刊要目

整理僧伽制度論  
 在閩南佛學院之講演  
 告強資階級  
 教育之新建議  
 太虛法師與甯波諸上人函  
 蔡元培與戴主任函  
 寄江浙佛化聯合會函  
 閩南佛化會民協會宣言  
 湖南佛化會要求參加省民會議  
 要電一束  
 輯餘感言

# 心燈

中華佛化教育社心燈旬刊  
佛歷二千九百五十四年

期  
九日出版

太虛法師  
太虛法師  
太虛法師

大醒

雁

# 本刊投稿簡章

(一) 本刊言論公開毫不偏向任何黨派  
祈閱者明鑒

(二) 本刊歡迎閱者諸君投稿

(三) 非關佛化之投稿恕不登載

(四) 諸君投稿請勿過三千字以上如能  
多作短篇尤為歡迎

(五) 凡關於佛化之新聞紀事言論新詩  
小說等類皆所歡迎

(六) 本刊編輯有酌量權不載之稿恕不  
寄還但自附郵票者不在此例

(七) 凡投來之稿一經登載酌以本刊相  
酬

(八) 來稿請勿橫寫及兩面寫

(九) 來稿須繕寫清楚潦草者不收

(十) 凡寄與本刊之稿請勿再寄他處  
中華佛化教育社編輯部啓

佛歷二九五四年三月廿九日 出版  
中華民國十六年四月三十日

心燈第三十一期

每冊定價大洋三分

國內訂購全年連郵一元(日本同)  
二元

編輯者 楞伽山民

出版者 上海靜安寺路三五號  
佛化教育社

發行者 上海靜安寺路三五號  
佛化教育社

代印者 上海漕河涇弼教路  
江蘇第一監獄

# 佛化教育社誌謝捐款

蕭捷程縣長	捐洋十元	孫子明先生	捐洋二元
曲石生先生	捐洋二元	臧子壽先生	捐洋二元
隋景蘊先生	捐洋一元	崔虎臣先生	捐洋一元
王硯生先生	捐洋一元	伏耀千先生	捐洋一元
張孟蘗先生	捐洋一元	李德忱先生	捐洋一元
王仲宣先生	捐洋一元	于書樵先生	捐洋一元
更正廿四期			
王翼文先生	捐洋三元	劉慎初先生	捐洋十元
楊瑞軒先生	捐洋五元	王荆門先生	捐洋五元
芝峯上人	自捐及代捐洋十元		

## 太虛法師著述之介紹

(一)武昌佛學院出版者

佛敎各宗派源流 六角五分

三論玄要 一角六分

古潭空月 二角

般若別行 二角五分

法華講演錄 一元

慈宗三要 一

整理僧伽制論 一

因明概論與唯識觀大綱 一角五分

大乘起信論唯識釋 二

(二)武昌察院坡佛經流通處出版者 一角

道學論衡 八

楞嚴攝論 五

楞嚴研究 二

起信論研究 四

覺社叢書選本 五

佛乘宗要論 二

唯識新論 一

維摩詰經講義 四

▲又各流通處亦有代售

## 法苑佛敎發行所啓事

本所專為發行佛敎最新出版之月刊季刊旬刊等書藉凡欲購閱或欲本所代為流通者請寄信或直接至靜安寺路第一百五十二號法苑內交涉可也

編者造像



佛二九五四于滬濱

## 自題肖影

你就是我。

我就是你。

你：我。我：你。

不隔一重山。

不分一片水。

○ ○

但是。

爲什麼影外有我。

形外有你。

四耳四目。

兩鼻兩嘴。

○ ○

說我不是你吧。

怎的畢肖不僞。

說你不是我吧。

畢竟又是體出同軌。

○ ○

唉。

是真。是僞。

是我。是你。

總是幻化空生。

總是骷髏活鬼。

○ ○

我……你

誰能免了生死。

一樣蜉蝣虫似的。

還配着分個彼此。

○ ○

算了罷。

意識構造的你我們。

紛紜何事。

止——止——

一六，三，二〇。

# 先生何在！

## 臨時大總統孫中山先生復佛教會函

（錄民國元年三月佛學叢報第二冊）

敬復者。頃讀公函。暨佛教會大綱。及其餘二件。均悉。貴會揭宏通佛教。提振戒乘。融攝世間。出世間一切善法。甄擇進行。以求世界永久之和平。及衆生完全之幸福。爲宗旨。道衰久矣。得諸君子。闡微索隱。補弊救偏。既暢宗風。亦裨世道。曷勝瞻仰。讚歎。近世各國政教之分甚嚴。在教徒苦心修持。絕不干與政治。而國家盡力保護。不稍吝惜。此種美風。最可効法。民國約法第五條。載明中華人民一律平等。無種族階級宗教之區別。第二條第七項。載明人民有信教之自由。條文雖簡。而含義甚宏。是貴會所要求者。盡爲約法所容許。凡承乏公僕者。皆當力體斯旨。一律奉行。此文所敢明告者。所有貴會大綱。已交教育部存案。要求條件。亦一併附發。復問道安。

孫文謹肅

迦音獅吼

整理僧伽制度論

宗依品第二

太虛法師

有僧伽矣。僧何所宗。概言之則宗佛法而已矣。然而汰矣。世有流變。方有殊尚。豈徒教儀亦該學理。今上不徵五天。下不徵各地。亦還取中國本部二千年來所流通闡揚者爲依止耳。然南閩浮提洲之大乘佛法。莫備於震旦矣。而小乘則附焉而已。顧震旦之佛法。又隋唐爲全盛。六朝以往。發端而徵。五代以降。殘廢而偏。欲復震旦佛法大全而擴充之。則又當取隋唐諸宗師學爲依止也。今大別爲八宗而分條。觀述之在此。則可附益而不可移植。在餘則可含攝而不可別樹。故務使八十萬僧伽皆不出於八宗之外。常不毗於八宗之一。始從八最初方便學門。入道終成一圓融無礙行頭。頭是佛如八楞寶唯一金剛。則震旦佛教之特色亦震旦僧學之異彩已。

第一節 宗名

一、清涼宗。古稱華嚴宗賢首宗。然此宗當以華嚴疏鈔爲根本部。而此部實成於清涼大師。故不稱賢首。

宗猶天台傳自北齊南岳。以三大部成於天台。不稱北齊南岳宗也。又以法由人宏。當尊祖庭。且解華嚴者有旁家。而此宗所屬經論。又不僅華嚴。故不稱華嚴宗。而以清涼爲定名焉。

二、天台宗。或稱法華宗。此宗固以法華爲根本經。然所屬之經論甚多。解法華者亦有旁家。且兼尊崇祖庭。故不稱法華宗者。以天台爲定名焉。

三、嘉祥宗。古稱三論宗。或法性宗。或破相宗。或空宗。揆之名實。皆未允當。蓋祇少分相似義耳。何則。此宗根本部中。決不可去大智度論。則已成四論宗。且實該羅般若諸經。甯可獨以論名。且靈峯大師嘗言曰。唯識以徧破我法二執爲宗趣。故借立法爲遣情之門。般若以會一切法無非妙理爲宗趣。故借破執爲立理之門。然則唯識宜名破相。般若宜名立法。而相傳反稱唯識爲相宗。般若爲空宗者。謬也。故今云皆未允當也。然此宗逮嘉祥大師而學盛。而義完。用之名宗。且以尊祖。若推尊羅什法師爲開祖。則什師終身譯講於逍遙園。卽今秦中白塔寺也。則宜名白塔宗。

四、慈恩宗。或稱唯識宗。法相宗。定於今名。理由大致同上。

五、廬山宗。古稱淨土宗。或蓮宗。淨土。或蓮二義。一則過寬。出世皆淨土。十方多淨土。華藏。娑婆。無不在。一則過狹。阿彌陀佛。極樂世界。所清淨者。非祇依土。所殊勝者。非祇蓮臺。今以此宗古今公認。



之初祖爲定名。祖庭斯尊。行義亦備。（參觀宗史節中所述）卓然無以易也。

六、開元宗。古稱真言宗或密宗。法義雖當。未能尊祖。然善無畏居內道場。金剛智與不空居慈恩寺。內道場爲名不雅馴。慈恩寺則濫慈恩宗。且此三祖宜並尊之。而世稱開元三大士。則皆共知故定今名。

七、少室宗。古稱禪宗。義亦少濫。今以初祖祖庭名之。庶幾循名思實。皆知法祖之行。而尊祖之道乎。（若依清涼天台之例。則可定名爲曹溪宗）

八、南山宗。或稱律宗。法義亦當。然六朝初唐間。以律學成宗者。本非一家。而盛唐來。則莫不宗南山。宋靈芝照律師。固亦宗南山者。雖稍有別。猶天台之有山外派。少室之有五派。固不出天台少室也。故以南山爲定名焉。

## 蔡子民在閩南佛學院之講演

「佛法在世間。不離世間覺。」故佛法與社會上。亦應有相當的義務。兄弟現在住于青年會。青年會不是現今非宗教運動所攻擊的機關嗎。然而凡青年會皆努力於社會事業。而廈門之青年會。尤爲熱心。尙招一班人之反對。况佛教徒之飽食終日。無所事事者乎。民國初建。或主張改廟寺爲工廠。而寄禪輩以

信教自由之憲法以抗之。而今者國民政府成立。一切宗教均在摧陷廓清之例。保教者又當根據何法以反對之耶。（編者按。方今多難之秋。云何爲公理。云何爲方法。而况憐憫垂斃之僧侶。更無足以語此哀哉。）兄弟有極誠懇之條件。以貢獻于諸君。佛陀貴爲王子。國寶盈庭。以何不盡其所有。留自受用。或遺弟子等。而皆一一放棄之耶。而今之佛教徒。將廟產佔爲私有。甚至棄佛教本身之公益。亦不作如是自私之懷抱。將以何根據而云然。又况廟產本爲集產之性質乎。佛法流入中國。將數千餘年。講學如玄奘。道安者。幾人。獲果如寒山拾得者。又幾人。近之太虛法師。引法辦學。僧衆反引以爲無上隱憂。諸如是者。曷莫非廟產之害。兄弟以爲佛教廟產。今後應分別改革。（一）提倡佛化教育。以講明佛法真義。有青年聰俊之僧徒。亦應資送往普通學堂。或留學外國。以深造其世學。而提高佛法之入世精神。（二）將少數廟產改爲工廠。傳一般無業僧人。得半工半修行之工作。近聞有主張改爲日本僧伽。兄弟以爲不必。然此亦技末問題耳。

以一大事因緣故。而有佛法。則佛法依世法而成。立必也。既依世法。則應如何爲世間嚴密接近之工作。與世間羣衆之幸福。使一般暗移默化。各趨佛境。竟有未然。徒作寺產之霸佔。獨居深藏。怡然自得。遑論反感之來。禍生眉睫。恐今後作執鍋之螞蟻。走頭無路矣。惟志。能。反。壁。或。猶。未。晚。且。祈。勉。施。（民）

# 告強資階級

太虛法師

余昔年有云（見敬告亞洲佛教徒）今後人世之危厄不在國際之強權階級的高壓與爭霸而在弱小者對於強權者之聯合報復不在民間之資本階級的壟斷與競勝而在貧困者對於資本者之聯合抗鬥。今者則此種形勢成矣。國際之弱小者與民間之貧困者已有猛火燎原虎兕出柙之概。強權階級與資本階級已處全體崩潰四面包圍之中。然予又嘗謂唯佛法能救此危厄。雖未為當世人士共同注意。協力謀濟。以致卒來今日之險狀。但強權者與資本者及今能有澈底之覺悟。猶不難化險惡為祥和也。其法維何。則根本上破除慳貪。自我權利之私見。激發自他同體無我平等之慈悲。實行我佛之布施波羅密。與忍辱波羅密而已。

布施有三。一者財施。資本者向來貪得無厭。慳吝自私。以之擁有多財。而別成資本階級。今則災禍臨身。澈底覺悟。發大慈悲。將一切資養身命之衣食住等。凡民法上規定為所有權之所有財物。最後乃至為財物所資養之身命。亦可捨施。若捨身為道。捨身救世。殺身成仁。捨生取義之類。而發願捨一切自私的財物。以至身命。專以布施全地球一切貧困勞苦之羣衆。哀憐愛顧。猶如對眷屬親友一般。則外其身而

身。彌。存。外。其。財。而。財。彌。榮。自。然。與。全。地。球。人。類。共。得。享。共。存。共。榮。之。幸。福。此。資。本。階。級。所。當。由。之。以。自。度。他。而。共。進。於。道。者。也。

二者無畏施強權者向來憑其權力威勢制服民族征掠他國以之別成強權階級今亦災禍臨身澈底覺悟發大慈悲將使用軍警政教法律裨闔等等以攝伏人恐嚇人使人怖畏的利器乃至爲利器所擁護的國權王位亦可捨施若釋迦之棄國修行泰伯之讓王成德而發願捨一切自私的利器乃至權位專以市施全地球一切弱小衰殘之羣衆解救匡扶猶如對眷屬親友一般則外其位而位彌尊外其利而利彌安自然與全地球人類得享共尊共安之幸福此強權階級所當由之以自度他而共進於道者也。

三者法施法者人類在大自然中以之共存共榮共尊共安之法則也此須宅心公溥處境優越者乃能明察而諦審及之而強權資本階級席豐履厚取精用宏對於學識之修養亦皆過人但向來予智自雄惟競私利良法美意轉成肆惡之具故古人有聖人不死大盜之止之憤語今若能以大公無我之心求至當不易之法既得自覺展轉覺人不偏不激無執無滯凡所知者不祕一義盡以布施人類務使人人能自立自治而得自由遍興利益羣衆之教育廣宣和樂人世之文化則人心既平一切由不平而起之

爭鬥自甯矣。

然行此三種布施更當濟之忍辱乃能有恆有成蓋貧困弱小之民衆愚蒙少智怨恨蔽心雖廣慈愛或反招來穢逆雖加憫濟仍莫戢化粗暴如躁進以求功遭辱惱而難忍必致疑毀交集猜忌相乘不能竟厥全功故須持以忍辱之行也。

強資階級若能發無我大慈行此布施忍辱之行則自他俱利實爲人道之福否則逞其私智仍以損人利己爲事不徒必自傾覆人類高尚之道德文化亦隨而盡矣。

## 教育之新建議

教育之主義

太虛法師

六曰實用主義。此與實利異指。蓋曰實用。僅反對不適乎人羣之實用者耳。實利固人生第一要事。第經羣處世立己宜人種種之事業之操行之知識。靡不屬乎人羣實用。故實用主義。不僅可包舉實利主義。而國民主義人才主義軍國民主義公民道德主義。亦能統攝之也。究之側重現世之實用。亦足陷溺乎習俗使消乏優美高尚之感。想無勝義之道德。損滅連進羣化之機能。而不容人心好真超俗之情性。故

於教育之能事亦未全也。雖然實用與公民道德稍近完善矣。何者主實用則不驚虛榮。可減省種種空耗之勞力。且其施教育之方法。不重往論而重現事。不重意言而重根境。（案佛宗門教家之別亦略同此。昔有一禪師問一講師曰。聞百法論。一切心境不出百法。是否。曰然。時適天雨。乃問卽今落雨。百法何法所攝。講師茫然。莫知所答。紫柏師曰。性相俱通而未悟邊磨之禪。如葉公畫龍。頭角望之非不宛然。欲其濟充。早興雲雨。斷不能也。此雖超世之道。有異經世之學。其致乎實則同也。又此亦卽蒙特梭利之教育術。蒙氏嘗曰。世之學校教師。所諄諄者皆意言。私學者所喻亦皆意言。至遇實物而施實功。卽無所措其手足。何則。喻者意言。接物之官。未嘗修且治焉。故也。余按俗諺。上台昏者。學者十有八九。病皆坐此。）故儲能期人所處之世界。不與效實期人之世界相扞格。所儲能者無地不可效實之。得備持身處世不可少之條件。於己具有自立之能力。於人能爲適宜之應付。凡人羣實用所常有者。又莫不可容納之。蓋已能完成乎普通之智德體育。特乏美育耳。公民道德以自由爲質。欲致人人之自由。必令人人能自立。自治。自立者自衛。自存也。自治者自飭。自勉也。三育已不能偏缺一矣。平等者各均其自衛。自存。自飭。自勉之力。一也。互成其相衛。相存。相飭。相勉之事。二也。既非不容國家存在。則非第必含實用實利主義。而國民人才軍國民主義亦容許之矣。

## 斷雁聲寒錄

### 太虛法師寄甯波諸上人函

甯波耆宿住持當家職事參學應赴諸同袍均鑒。頃聞甯波有被封寺菴三十餘處。又來索捐十萬。此誠非常之教難。除赴省黨部省政府東路總指揮請願維持外。凡我同袍。應大覺悟起大慈悲發願犧牲。一切以護持教法。不惜身命。何況財物。誠能如是。則上自退居老和尚。以至趕經懺化小緣及小沙彌。皆可和合而爲一護法的羣衆。羣策羣力組織一甯波佛化協會。一面認真革除向來飽食無事之懶習。切實整頓。一面廣作宣揚佛化利益民衆之事。并通電與湖南佛化會。兩湖南佛化聯合會。日本佛敎聯合會。互相策應援助。由甯波而推及浙江全省。由浙江而推及東南諸省。以至於全國。此爲吾佛敎生死存亡關頭。祈熟察而協圖之。

太虛白

### 常惺法師致蔡子民先生書

子民老先生大鑒。曩者台從過度。敵院歡迎之際。惺適以事阻海上。未能躬聆偉論。至歉。今者閩中革命

成功。凡涉宗教色彩者。一概打破。佛教乃以偶像關係。亦遭波及。封寺沒產之風。甚囂塵上。竊以佛教。以歷史遺傳關係。雖有一部分似帶宗教性質。而大乘教理。最重自由平等。實與革命精神。不相違背。現閩中諸山。擬聯合至省政府請願。懇祈設法制止。以維現狀。予佛教徒以改良之餘地。俾得顯發大乘積極救世之精神。以助黨化之成功。老先生一言九鼎。伏祈俯賜專函。庶便進謁。并擬明晨趨前。親領教益。仁言利溥。想不吝此金玉也。臨穎不勝盼禱之至。肅頌

政安。

閩南佛學院常惺謹啓

三月十九日

## 蔡子民先生爲常惺法師致福建戴主任書

立夫先生大鑒。別來久疏修候。想興居曼福。茲有啓者。常惺法師見告閩省頗有仇視寺院之風潮。鄙意信仰自由。本以不干涉爲是。惟僧徒不作工。而坐食。亦無怪受人非難。最好規定僧尼亦須營工。農教育醫藥等業。每日工作。在八時以內。而以休息日及每日暇時。自由作宗教儀式。而政府及黨部。則保護之。與工農同尊意如何。常師詣前請教。幸與一談。專此介紹。敬祝

台安。

弟蔡元培敬啓

三月廿日



## 寄江浙佛化聯合會函

大醒

江浙諸山大德及諸大居士公鑒。啓者。大法淩夷。外魔殘害。此種惡境。於時久矣。自革軍興起。到處破壞。之消息沸騰。願佛法雖不致一旦淪亡。而寺院與僧伽。行將破產。則恐難以巴鼻。吾儕大心菩薩。視此危機。處此厄運。宜如何慚愧悲痛而思。有以奮發戰勝之策耶。適得滬上同參來報。知諸大德諸居士已集合於申江。從事會議商劃。必能挽救此生。死關頭也。聆之一喜。大醒不慧。今敢以比丘個人資格。而發表些微意見。奉白於諸公之前。幸其明鑒焉。嗚呼。佛法真理。本無所不包。無所不容。處於任何時代任何主義之下。皆可運用無礙。尤其能融攝三民主義。由斯言之。吾儕佛子。苟能本諸佛法真理。而隨機應隨時。設化實無顛危現象之可怖。無如我僧伽賢達者寡。而不肖者衆。我寺院清淨者少。而染汚者多。所以在在足引起社會一般人士之所鄙視所窺伺。卽此番民黨對於寺產有意提取者。亦未嘗不由此病根而所招致也。（最大者。乃由於一般不守戒律無惡不作之無羞僧之禍害。上海所以已見有剷除市僧印刷張貼物。吁可醜矣。）今者諸公出而施救。卽當先知其病原之所由。（僧伽雖不少。有行有學者。但以全體而論。可以說週身有病。實無可諱言。）而用根本的具體的醫藥。方有效果。若儘就頭痛醫頭。脚